



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

61. Epistola Pastorum Apamiensium ad Innocentium PP.

urn:nbn:de:hbz:466:1-38277

Documentum LXI.

Epistola Pastorum Apamienorum ad INNOCENTIUM XI. Pontif. Max. quā & veniam petunt, quōd Vicariis Generalibus ab Illustrissimo Archiepiscopo Tholosano constitutis obedientiam detulissent, & Pontifici gratias agunt, quōd penitentes veniā benignè donāset.

SANCTISSIME PATER,

Post humillima Pedum oscula,

Peccavimus: nec satis est semel dixisse; addimus irerum iterūque, peccavimus. Denique sine modo vocem illam, quā tam multis saluti fuit usurpata, multo pluribus perniciem attulit prætermissa, ingeminamus: peccavimus. Sit hoc Epistolæ hujus initium, sit clausula, sit summa. Quid enim aut jucundius legere Vos, aut nos scribere salubrius possumus? Dicat igitur unusquisque nostrum in se reversus, quod ille Adolescens Evangelicus: *Pater peccavi in celum & coram te.* Gravem quippe in celum culpam commisimus, qui positā ad aratrum manus retro respeximus, facti regno Dei minus idonei, qui animas nostras facientes pretiosiores, quām nos, minus metuimus peccare in conspectu Domini, quām incidere in manus hominum. Denique qui cum hominibus Christi tunicam inconsutilem scindentibus, abominationem desolationis in loco sancto ponentibus, & adversus id omne, quod vocetur Deus, sese erigentibus, foedam & exitiosam non sponte quidem, sed neque inculpatè Societatem inivimus. Coram Vobis, Beatissime Pater, delinquimus desertis ijs Castris, in quibus Sanctitas Vestra toto animi robore, totaque cum laude præliatur prælia Domini. Tum etiam, quod maluimus plenam ignominiae securitatem querere,

M m m 2

quām

462. Dissert. I. § VIII. Documenta ex Gallico
quam pulchra sanctaque Vobiscum adire pericula, Vobis-
cum deinde partituri aeterni gloriam triumphi. Deni-
que quod neglecta Vestrâ optimi, supremique Pastoris vo-
ce, lubentius audivimus ululatum Lupi.

Auget vero non mediocriter culpam nostram, quod
per crebra innocentiae exempla in culpam ruimus: quod
de agone recessimus, cum maximè socij, Fratresque nostri
in stadio carent, ac sic currerint, ut quidam eorum bra-
vium comprehendenterint, omnes comprehensuri videantur.
Quod, Pater Sanctissime, Episcopi nostri viri Apostolici
(cui toties singuli dixeramus, et si omnes scandalizati fue-
rint in te, ego nunquam scandalizabor) spem decepimus,
gloriam obscuravimus, triumphum minuimus, illamque
beatam, nec satis prædicandam necessitudinem, quâ cum
illo conjuncti fuimus, non satis meminisse, penè contem-
nere visi sumus.

Ingens profecto culpa fuit haec, grandèque delictum, at
cui sua non defuit poena. Profecto in regionem lon-
ginquam durissimam servitutem servivimus, sed Cive re-
gionis illius, cui adhæsimus, porcos pascente, fame peri-
mus, siliquas cupimus, nec impetramus, & tamen crude-
lissimo Domino felices videmur. Non opus est istius ca-
lamitatis singulas partes percurrere, quarum vel aliquas
meminisse non parva calamitas est.

Habuit tamen pessima ista conditio optimum hoc;
quod nos & de paternæ domus felicitate cogitare, & in pa-
ternæ charitatis amplexus venire compulerit. Surgen-
tes revertimur ad Patrem, apud quem cum mercenarij
loco esse vellemus, exceptit nos more filiorum splendida
ac peramanter. Præ foribus, extra limen ob metum &
reverentiam substiteramus, nec ostium pulsare austi, nec
ulterius

ulterius progredi. Sed moras istas pati non potuerunt paterna viuera, venientique soboli dulcissimi genitoris, non domus tantum, sed pectus quoque patuit.

Decebat quidem nos, Beatissime Pater, tam fædæ defæctionis labo pollutos, per longum ac laboriosum baptismam, amissum recuperare nitorem, tamque alto vulnere confosos gravioribus subjacere remedij, ac ita demum pristinæ sanitati restitui. Decebat, inquam, nos adstantes, depositos, omnique prorsus sacerdotali honore carentes diu multumque ruinam nostram lugere, Deum placare, ac Universæ Ecclesiæ Gallicanæ, nedum Apamiensi, cui ingens scandalum fuimus, satisfacere. Sed è re fore vixum est, resipiscentes excipere in Spiritu lenitatis, magisque placuit indulgentia. Itaque affuere statim Vestro nomine, qui venientibus in amplexus ruerent, qui Ecclesiæ rediderent, quique in ea solitis oneribus fungi juberent.

Quæ cùm ita sint, Beatissime Pater, nostri muneri esse putavimus, pro singulari illa veréque Apostolica in nos benignitate atque clementia Vestræ, humillimas hæc Epistola Sanctitati Vestræ gratias agere, simûlque polliceri, neminem unquam fore (si modò Deus adfuerit, ac super nos misericordiam suam corroboraverit) qui Sanctæ Sedis mandata libentiū audiat, qui ab ea descendentis cautiū fugiat, quique Schismaticos, & Ecclesiasticæ libertatis hostes perfectiori oderit odio. Aperiantur carceres, acuantur secures, erigantur crucis, effundat in nos crudelitas, quidquid malorum in patres atque Collegas nostros huc usque ingestum est, dabit Christus hæc omnia superare ac vincere, simûlque efficiet, ut sic demum magis magisque constringatur sanctissimus ille nexus, qui nos cum Apostolica Sede copulat atque conjungit. Erit nobis sanctum, quid-

M m m 3

quid

464 Dissert. I. § VIII. Documenta ex Gallico
quid illa probaverit, eritque reprobum, quidquid reje-
cit, nec aliter quam publicani, ac ethnici loco habebimus,
quisquis illam audire contempserit.

Rumor est, Sanctissime Pater, cuncta ad quietem ver-
gere, pacem polliceri, factumque id esse operâ atque in-
dustriâ Reverendissimorum Episcoporum, qui convenere
Parisios: qui tam arduam, tamque difficultem controver-
siam, regnum inter & Sacerdotium quomodo compone-
rent, nisi forent Spiritu Sancto repleti? hoc aiunt.

Et enim, si pax ista talis extiterit, qualem à Sanctitatis
Vestrae cura, sapientia, tum animi fortitudine populus Chri-
stianus universus exspectat, qualem per tot labores, gemitus,
pericula Episcopus noster quæsivit, qualem postular
Sanctæ Sedis violatae Majestas, Sacro - Sancti Concilij
Lugdunensis conculcata auctoritas, Octoginta minimum
Ecclesiarum sub jugum missa libertas. Si pax ista Domus
Dei zelatoribus attollat animos, eosque qui Sanctam Se-
dem veneratione ac studio prosequuntur, quique pro ca-
non exigua incommoda perpetui sunt, ac nova pro eius
dignitate tuenda, si quid imposterum triste acciderit, ad
fubeunda pericula, fortiores, alacriorésque efficiat. De-
nique, si pacem istam Ecclesia dederit, non acceperit, &
quidem invita, vim passa, spreta, iudificata, tunc profecto
Reverendissimis Episcopis ex animo gratulabimur, simûl-
que in Domino gaudebimus, Deumque pacis benedictum
dicemus ex hoc, nunc & usque in Saeculum.

Contra vero, si fuerit ista pax non donum Dei, sed opus
imò ludus Saeculi, non Ecclesiæ restituta libertas, sed rata
servitus, & si quid melius, catena paulo nitentior; non
prostratus error, sed triumphata veritas; non improbita-
tis atque audacia frænum, sed ad quidvis adversus Con-
cilia

cilia cœcumēnica, adversus Sanctæ Sedi Decreta, adversus omnia sacra imposterum audendum tentandumque incitamentum. Si tot eximios invictosque libertatis Ecclesiasticae defensores pax reliquerit inglorios, afflictos, oppressos, pedibus conculcatos, contrâ verò tot improbos, qui ausi sunt altare contra altare erigere. Sanctam Sedem quasi infestis signis petere, multa Sacrilegio patrare, quique de illis adhuc gloriantur (adeo non dolent) nullâ nec levi quidem poenâ affecerint, sed gaudere licuerit mercede iniquitatis. Postremò si fuerit pax ista non pax, sed bellum, tanto terribilius, quanto latentius, tanto crudelius, quando callidius, sub blando concordia nomine decipit : erit proh dolor ! nobis lugendus non unus, sed duplex casus; noster scilicet, & Religionis ; noster quidem, qui in bello corruimus: Religionis autem, quam pax ista quodammodo dejicit, atque prosternet. Sed melius sperare movent quæcumque huc usque Sanctitas Vestra pro Domo Dei & fecit, & passa est fortiter atque sapienter.

Multo plura fortassis addenda forent, sed utilius mode-
stiusque silebimus. Taceant poenitentes & lugeant, qui nec
nimium filere, nec satis lugere possunt. Gaudeat interim
ludentibus nobis Sanctitas Vestra, gaudet Angelus non su-
per uno, sed super multis peccatoribus poenitentiam agen-
tibus. Dignatus est olim Christus Mulier in Civitate pecca-
trici osculandos pedes porrigere: num parem poenitentia
nostra ambit honorem ? Ambit equidem. Non veremur
tali exemplo provocati, Christi potestatis Vicarij, Christi
vitæ amuli non pedes quidem, sed pedum vestigia prono
ore osculari ac lambere. Datum die Martij, anno verò 1682.

*Humillimi & Obsequissimi in Christo Filij
& Famuli*

Parochi Apamienses.